

重訂批點類輯練兵諸書卷十四

東牟戚繼光元敬父著

短兵

藤牌以藤爲之、中心突向外、內空、可容手軸轉動、週簷高出、雖矢至面、不能滑泄及人、內以藤爲上下二環、以容手肱執持、重不過九斤、圓徑三尺、兵一人一手持牌、一手持腰刀、此卽岳飛旁牌麻札刀之制。令軍低頭、只砍馬足、以敗兀朮拐子馬是也。其制

雖稍有不同，其用則一。此牌兵持必以狼筄爲恃。蓋此皆短器，不能當虜馬。用筄拒其馬，以牌出筄下，砍其馬足。此器出入陣中，行伍之內，進退便利，且衛且殺，南北通用之利物也。

古有圓長二制，主衛而不主刺。國初木加以革，重而不利步，以藤爲牌，近出福建。銳子雖不能革而矢石鎗刀可蔽，足代甲冑之用。在南方田塍泥雨中，頗稱極便。

凡藤牌要堅大，輕遮一身，每人長刀一把，棄鎗三枝，藤牌無棄鎗。如無牌同，蓋長短勢絕，急不能入，須用棄鎗誘之，使彼一顧，則藤牌乘隙徑入矣。藤牌单人跳舞，內有閃滾之類，亦是花法。定須持標與長鎗對殺，先標使去，亦要不早不遲，標旣脫手，要進得速，出刀快，方爲成藝。

試標鎗立銀錢三箇，小三十步內，命中或上或中或下，不差爲熟。

一藤木牌，二人一排，先自跳舞，能遮身嚴密活利者，爲合式。舞過卽用長鎗手對戳，鎗到不慌忙，不先動，鎗一戳卽隨鎗而進，鎗頭縮後，則又止。進時步，步防鎗，不必防人。牌向鎗遮，刀向人砍，只至鎗手之身爲上等。舞生而對熟者爲中等，舞熟而對生者爲下等。鎗到慌忙者，膽小故也。其人不可用。牌刀亂使，不知防鎗者，爲下下等。

圓牌，北方無藤，以柳木加革代之。每人長腰刀一把，北方胡馬疾速，又有盔甲，不必用標鎗。聽放砲一箇，中軍豎起黑旗，是集牌手的旗。各牌手俱集中軍伺候，習時二人一排，務要遮得身過爲妙。先于界河插棍四枝，粗五分，高可二尺以上者，約與二人濶狹相等，聽各人使牌上前，專砍樹枝，砍空者以下等行罰。此卽馬脚也。臨陣時，以牌向頭上築架，遮當虜箭，只是低頭下砍馬脚，原有退步使法。今不必學。試牌木棍，各牌手自備，每人一次一根。

腰刀造法。鐵要多煉。刃用純鋼。自背起。用平剗平削。至刃平磨無肩。乃利妙。尤在尖。近時匠役。將刃打厚。不肯用工平磨。止用側銼。將刃橫出。其芒兩下有肩。砍入不深。刃芒一禿。卽爲頑鐵矣。此當辯之。虜用刀。我兵亦用刀。况我軍力不壯于虜。必須比他長了一寸。乃有一寸便益。便砍不着他身上。必先砍着他馬頭。今除箭手。另給腰刀。銳手特給長刀。外。凡豎立白旗。是集刀手的旗。各馬步軍長短刀。

手俱集中軍聽候。每馬兵一旗。預備長短棍二根。一根長七尺。一根長三尺五寸。短棍在前。長棍在後。相去二尺。馬軍各馳馬。步軍各趨跑。向棍來。馬軍用分鬃箭。射長棍三矢。馳上先砍短棍一刀。如馬頭。次砍長棍頂頭一刀。如虜身。步軍長刀俱聽令。如原習倭刀進法。向前低頭下砍短棍根一刀。如馬腿。轉身上砍長棍一刀。如馬頭。中式者賞試刀。以能衝入釵鈿狼筈。不及遮隔爲熟。二人一排。

舞路既多，疾速爲上等，次以木刀對砍，舉落疾速，不使人乘隙得犯爲上等，其等第一照藤牌擬之，馬上惟利輕捷鋒芒，他如斧鉞錘搥大刀鈎鎌之類，膽大藝精，能獨馬出入陣中者，間或有之，不可以教隊兵，不可堂堂當大敵。

西北原野之戰，舊俱用大棒，緣虜人盔甲堅固，射之不入，戳之不傷，但用棒一擊，雖堅亦靡，但勢短耳。且雙手舉用，而馬上用力下擊，必然閃墜。此步技也。

而今用之馬上，不亦左乎。今製法長八尺，粗二寸，用一打一刺棍法習之，位在五兵後，必欲馬軍兼用，須加一短刃，可三寸，如鴨嘴，打則利于棒，刺則利于刃，兩相濟矣。聽中軍立起藍高招，各棒手俱集聽候。每隊備短棍一根，長一尺，長棍一根，長四尺，稟安訖，兵以六人爲列，聽搥鼓飛跑向前，一齊打去，先打短棍一下，如打馬脚同，又高打長棍一下，如打馬頭同，賞罰例與刀棍同。

二人對打，打下聲重有力，不做等候相待之套，打合拍位，下下壓着他棍而入者，又路多者爲上等。打無力而熟者，與有力而生者，爲中等。力怯打遲緩，舉待敵者，爲下下等。

狼筓，乃用大毛竹，上截連四旁附枝，節節杈杈，視之粗可二尺，長一丈五六尺，人用手勢遮蔽全身，刀鎗叢刺，必不能入，故人膽自大，用爲前列，迺南方殺倭利器，今用之以拒虜馬，尤爲可用。

凡用狼筓，須要四面竹枝，堅直粗大，杪加利，外長一尺許，擇力大者勝之，然後以牌盾蔽其前，以長鎗夾其左右，又必須釵鈹大刀，接翼應之，蓋筓能禦而不能殺，非有諸色利器相資，鮮克有濟。若精兵風雨之勢，則此器爲重贅之物矣。

一試狼筓，先令自使，看其身手法，次用鎗對較，凡長鎗哄誘不動，又能遮隔不入，爲熟。

長鎗用毛竹之細者，長一丈七八尺，上用利刃，重不過

四兩。或如鴨嘴。或如細刀。或尖分兩刃。造法亦自  
春平。割至刃。乃利。必執持在根。用楊家法。初南方  
倭刃短。未及我身。彼已受刺。又用法。長則易老。不  
可回轉。長則杪細。恐爲馬所闖折。今視之。更可與  
虜戰。蓋狼筈當鋒。藤牌在下。而前行。既有藩衛。去  
一丈餘矣。短器不可戳及。馬上何以傷人。得長鎗  
于筈空。戳去。徑刺人馬喉面。則彼既不可入我陣  
內。又能先及彼身。故不憂細弱也。設若虜馬乘羣。

齊來衝我。前無筈牌。徑用鎗以當之。戳馬間。有損  
折。必非全利。夫五兵之法。長以救短。短以救長。長  
既易邁。而勢老。短又難及。而勢危。故相資爲用。此  
自然之勢也。

長鎗之法。始于楊氏。謂之曰梨花。今行于世者。卒皆  
沙家馬家之法。蓋沙家竿子。馬家長鎗。各有其妙。  
而有長短之異。其用惟楊家之法。有虛實。有奇正。  
有虛虛實實。有奇奇正正。其進銳。其退速。其勢險。

其節短。不動如山。動如雷震。故曰二十年梨花鎗。天下無敵手。施之行陣。則有不同者。何法欲簡。立欲踈。非簡無以解亂分糾。非踈無以擣挪進退。左右必佐以短兵。長短相衛。使彼我有相倚之勢。得以舒氣展能。而不至于奔潰。兵法云。氣盈則戰。氣奪則避。是已。今有六合之法。并二十四勢。

一製長鎗法式。若後手如細。則掌把不壯。後手要粗。可盈把。庶有力。後手要把在根盡頭。庶鎗身活動。不滯。鎗腰要從根起。漸漸細。直至頭而止。如腰粗。則硬強不可擊。鎗腰細。則軟而無力。雖手法之妙。不能擊打他鎗開去也。鎗稍不可輒細。要自後漸細。方有力。最忌太重。重則頭沉。不可舉動。是棄鎗也。鎗頭重。不可過兩。

鎗桿。桐木第一。合木輕而稍軼。次之。要劈開者佳。鋸開者。紋斜易折。攢竹腰軟。不可用。

人身側形。只有七八寸。鎗圈。但拿開他鎗一尺。卽不



及我身膊可矣。圈拿既大，彼鎗開遠，亦與我無益。而我之力盡難復。

一比鎗先單鎗試其手法步法身法進退之法，復二鎗對試，真正交鋒，復以二十步內立木把一面高五尺，濶八寸，上分目喉心腰足五孔，各安一寸木毬在內，每一人執鎗二十步外聽搥鼓繫鎗作勢，飛身向前戳去，孔內圓木懸于鎗尖上，如此過五孔止。

一長鎗共二人一班舞過，柄顛手熟者爲上等，二人相對分鎗卽進者爲上等，若鎗分不知進歇鎗等他人入者爲下等，生熟例一照藤牌擬之。

夾刀棍卽大棒也，但加一利刃如解首，異其名。擊刺皆便，柄亦如棍，刃長五寸，更短更妙，木柄向刃下，稍存微稜，庶倉卒及夜間用之，知其刃所向也。

線鎗鐵頭長二尺，蓋因柄細防虜刀砍斷，及用手奪去也。柄長七尺，粗僅一寸，鋒用兩脊兩刃，形稍扁，至

鋒稍薄，一謂之透甲鎗。造法鋒用鋼三寸，左右刃用鋼一尺以下皆鐵。從脊分割至刃，左右面平乃利。至鋒更扁，漸寬又漸收，收薄則利，寬則刃入以下不滯矣。最利馬上直截，用法一如長鎗，但終不能禦長器于腰刀，互有勝負，得十之五。

拳法無預于大戰。然活動手足，慣勤肢體，此初學入藝之門也。學拳要身法活便，手法便利，腳法輕固，進退得空，腿可飛騰，而其妙也。顛番倒插，而其猛也。

披劈橫拳而其快也，活捉朝天而其柔也。知當斜閃善者三十二勢，勢勢相承，遇敵制勝。俗云拳打不知是，迅雷不及掩耳，所謂不招不架，只是一下，犯了招架，就有十下。古今拳家，宋太祖有三十二勢長拳，又有六步拳、猴圈拳，名勢各有所稱，而實大同小異。至今溫家七十二行拳，三十六合鎖，二十四棄探馬，八閃番，十二短，此其善者。呂紅八下，雖剛未及綿張短打，山東李半天之腿，鷹爪王之

拿千跌張之跌張伯敬之打少林寺之棍與青田棍法楊氏鎗法巴子拳棍皆今之有名者雖各有所長各傳或有上而無下有下而無上若以各家拳法兼而習之無有不勝大抵拳棍刀鎗釵鈿劍戟弓矢鈎鏃挨牌之類莫不先由拳法活動身手其拳也爲武藝之源不誣矣

銳鈿柄長八尺粗可寸半上用利刃橫以彎股刃用兩鋒中有一脊造法須分脊平磨如磨刀法兩刃自

脊平減至鋒其鋒乃利日久不禿彎股四稜以稜爲利須將稜四面直削至尖庶日久而不禿中鋒頭下之庫須如大核桃大安于木杪乃不損折仍用一釘銷之于馬上最便可戳可格利器也此自殺倭始

一銳鈿共用二人一排平使致柄顛者乃有力也舞熟而緊疾者爲上等舞畢卽以長鎗對之大都短不接長鎗十戳九入第鎗誘不動執鈿有勢進鎗

時步步以鈇頭照管鎗頭，一擊一戳而入者爲上等，鎗來手動身搖進鎗不知隄防，騎鎗而入者爲下等，其舞敵生熟等第一照藤牌擬之。

一試釵鈇先令自使看其身手足法，合一復單人以長鎗短刀對較，能隔架長鎗刀棍翼狼筓出入殺人爲熟。

聽中軍豎起黑高招，各鈇手集候，鈇法一打一戳，只戳馬眼人眼，人喚卽以棍手所用高棍立起飛身。

向前一戳短棍頭如馬眼，一戳長棍頭如人喉，中者爲上，其平日學使依教師鈇法，有進無退，以上射箭打銃有定數外，其比鈇棍刀鎗牌手俱以二次爲準，凡係大比，其進退坐作俱用臨陣金鼓號令以習之，校刀棍俱用大棍，教師之法，一打一戳，乃爲正，餘皆花法也，只專刺馬腹人喉馬眼人面，聽中軍豎紅高招，刀棍手俱集中軍聽候，亦照前備二項木棍，聽插鼓騎馬飛馳，向短棍戳一下卽

戮馬眼馬腹也。次將長棍戳一下，卽戳賊喉面也。先將鋒炭染黑，或以灰刷白，中者爲上，務要戳入重拔，出速，不然不得戳第二下也。

凡杌杈棍俱要長一丈二尺，蓋短兵須長用，庶可入長鎗，每人解首一把。

外有飛標斧鉞毒弩鐵穗鞭簡雙頭棍等名器，惟鈞鎌稍空行伍。

鈞鎌又鈚，如轉身跳打之類，皆是花法，不惟無益，且學熟誤人。第一鈚鈚花法甚多，刻去不盡，只是照俞公棍法，以使又鈚鈞鎌，庶無花法而堪實用也。

重訂批點類輯練兵諸書卷十五

東牟戚繼光元敬父著

聲類

號笛卽噴呐也，吹則聚各官旗頭目，發放軍務，到齊方止。

喇叭有三聲吹，是掌號，大小將領門前及教場行營處，吹第一次，衆士收拾火兵造飯，遲半時，吹第二次，各飯訖出門，吹第三次，各兵赴劄營地方取齊候

主將到發放施行其在營中或在教場乃各人飯  
過出門只掌一號便聽令行營或操演不必仍用  
二號三號

一喇叭吹長聲一聲謂之天鷲聲各兵齊吶喊吶喊  
所以壯軍威有不齊者巡視旗竿治

凡旗點過只吹喇叭一長聲放鏡一箇磨旗各兵看  
旗所向某處轉身轉車

一喇叭吹擺隊伍聲車步騎三兵就于脚下挨營各

畱空地擺列

凡擺隊已完喇叭稍歇復又吹擺隊伍者車步騎三  
兵一字列開成陣備戰

一喇叭吹單擺開各隊即便挨隊甲踈踈擺開每一  
小隊相平離一丈五尺

吶囉一吹各兵起身再吹一次馬兵上馬車兵附車步  
兵執器械立齊

銅鑼凡打鑼各馬兵下馬車正下車再打銅鑼各項兵

俱坐地休息。旗幟俱偃臥。

若交鋒，但聞鳴金一聲，各兵立住。又鳴一聲，各兵退還連。鳴二聲，各兵又于脚下再轉身向前立定。凡軍中一切有音聲等類，每欲止，必鳴金一聲。其已舉者，聞金卽止。聽更令後，卽如所更之令行。二聲大吹打，三聲止吹打及退兵。

金邊下方營時始鳴。或發人探賊是發五方旗招出營立表。立表營內，所以分別門角，以便出入識認。立

表營外，所以分別營盤。防守界限。賊來舉之，以應遠近緩急。

羯鼓。凡點步鼓，各兵照先樹起旗，次發兵行營。每點鼓一聲，約行二十步。點緊一聲，行一步，則將插鼓交鋒矣。但聞插鼓，各兵趨跑向前，對賊廝殺。

凡下營定，放鏡一箇，豎黃旗，插鼓。各火兵出營汲水取柴，飲馬聽號收回。

打鼓勢，用堅木爲槌，起遲下速，兩手高舉過額，而着



鼓沉重則聲齊且遠

摔鉞一鳴各單擺開兵收隊再鳴各哨收成全營旗幟

通回中軍

砲有九舉升帳砲

三舉即鳴金大吹打升旗砲一舉即

擗鼓鳴鑼升帳靜砲發放後三舉營中肅靜候令

吶喊砲一舉喇叭吹天鷲聲吶喊一聲三舉止開

營砲一舉即聽點鼓便開營行分合砲一營一舉

欲分幾營幾路為幾舉無定數舉畢看旗幟照旗

色依數分之合營同閉營砲一舉即大吹打閉營

門定更砲遇夜擗鼓畢一舉喇叭吹天鷲聲變令

砲凡號令正行之間欲別更號令人眾隔遠一時

更變恐人不知夫于眼視故先舉砲聲然後方用

旗幟號頭等項示行一聞砲前令即止專心側耳

聽新起何令照行

凡定發放主將出至教場幕屬等官先行參見回還中

軍官稟掌號笛聚官旗聽發放望旗向左右前後

磨轉一次，官旗用手旗引于場前，轉身向上挨次先騎兵，次車兵，次步兵，次頭目，自隊長以上皆赴事急，只同旗總以上隊長守伍，至臺下立定，笛止。中軍傳云：官旗過來，各齊應一聲，以卑而尊。先隊長次旗總，次車正，次百總，把總，千總，俱跪。次營將于臺上跪，先起，乃發放衆曰：官旗聽着耳聽金鼓，目視旌旗，手熟擊刺，步閑進止，馬習馳逐，謹戢策轡，車熟分合，嚴飭火器，萬人一心，有進無退，違犯

的軍法不饒。若別有講諭，各靜聽。主將逐一親說，記定，依次分付。每一項人員，班內一人先尊行，後卑行。高聲報曰：某官叩頭，命起。至百總止，又發放曰：車正聽着，凡車戰進止號令，俱車正之責。臨時差誤，責有所歸。車正起去，又曰：舵工聽着，凡左右前後縱橫曲直，俱看車旗聽命。車正擺營，不合高下，失悞責有所歸。次巡視藍旗過列，聽發放曰：凡入操喧嘩不肅，下營行伍不齊，行營攙前越後，臨

陣舉動違令，斬賊強奪首級，戰畢妄殺降人種種作奸犯科，俱聽爾拿來處治。臨陣摘牌當戰破耳，回兵查明分別輕重，以行軍法。若故縱需索，治爾之罪。發放畢，分付各官旗下地方，大吹打得勝鼓，樂聽各回營。各哨將一體掌號笛，一照臺上發放，即使金鼓班聲相聞，無妨也。哨將發放，總用旗招把總以下發放，亦照臺上，但云奉臺號令。畢，把總招百總以下發放，只傳臺上分付親口之

言，不用耳聽。金鼓等文，亦云奉臺上號令。畢，百總招隊旗總發放，先發放所聞把總之言，次發放已意畢，旗總集隊，總各隊兵士發放，亦云奉臺上號令。將節奉各上官話頭一一講說分明畢，隊總亦令各兵跪聽，分付云奉臺上號令，發放畢，但凡謂發放係奉臺上號令，凡卑一等者，必跪聽。敢有違者，即時巡視旗，拏送臺上，細打遊營。

夜巡發放曰官兵聽着，夜巡謹慎，毋得懈惰，悞了事。

軍法不饒。

船營發放掌號官發放云、官旗聽着、耳聽金鼓、眼視  
旌旗、駕船如馬、見賊爭先、同舟共命、奏凱還師、各  
捕盜將本船甲兵盡數、俱令跪聽、先發放扳招手  
曰、船若着淺、治爾之罪、次發放繚手曰、使風不正、  
治爾之罪、次發放舵工曰、船去不能直射賊舟、治  
爾之罪、發放畢、

發號施令預先決定、不可臨時反覆、使三軍疑惑、故云

將無還令、凡應行軍務、係有文字、事緩者、除通行  
揭示外、若值緊急軍機、雖有文字、抄示不及者、主  
將門上掌號笛、各偏裨傳帶頭目、自百總以上、赴  
聽面諭、夫主將一人耳、車步騎官兵數萬、一句說  
話、如何傳得遍知、但主將號令、只傳偏裨、偏裨只  
傳中軍、千把總、千把總只傳百總、百總只傳旗總、  
旗總只傳隊總、隊總口授軍兵而止、須要傳說明  
白、叮嚀熟記、若一時聽記不全、還挨次再問所傳

之人若都問不明。再問主將不許攙越推挨。若有得令不傳，傳到不遵，及與傳說不明，或忘記不來，再問以致誤事者，軍法重治。干係偏裨者，事小則治其中軍官，其告示文字之類，亦要挨次抄傳，互相字字說明。以上二項，傳諭口令，抄騰文字，仍要一字一言，不許增減，及別添禍福之說。每傳畢，差巡視旗于街上，或歇家喚二三軍人來問之，照不知條內查治所由。

一號令軍中有主將

謂同在軍中之尊者非大將也

而副將以上

非副總兵乃一時同事位稍次者

輒

出號令及改易旌旗軍號者，重治。若號令未便，湏合改易者，先申主將。

謹慎漏泄

凡承受到軍期密約號令及關報賊情事

空文字，只可傳到將領等人員自知，常作隱備，不許漏泄令眾人知之。如漏泄致賊乘我者，軍法不貸。

稽查傳令。凡發放過話，候大小將領都發放畢，主將抽隊下一軍前問。今日發放何事？若知大略則已。如全不知，則取隊總問之。隊總能言，則治軍以罪。隊總不能言，則取本旗總問之。旗總能言，則治隊總以罪。軍則免究。是隊總傳不明也。如旗總百總把總以上至哨將一體皆然。每次發放過聽哨將千各千總下取一軍，千總把總百總亦各遞取一軍問之。不明者千把總聽營將發落。百總以下所抽問者，紀過一次，卽仍于上一等頭目再照發放法挨次說諭一遍。通畢赴臺報云。今日奉到號令，審問各已知悉。

軍正行之間，如有言語傳報，應該明白曉諭者，務爲簡約一二句，俱旗總傳聲。一旗挨一旗，不許越過。或自前傳後，或自後傳前，傳到之處，仍傳回云。知道了。挨傳到原發處止。如有失接傳報者，挨查到絕處，上一旗總說傳過某語，下旗總說不知，則傳

過以後不知以前一旗總不知者，卽係他悞了，若因而悞事，臨時軍法示衆。

一到止宿處，前營放砲三箇，鳴金落旗，每營約法一箭遠，各營一體落旗，聽中軍到，落旗後仍復升旗，掌號笛是發放，若不升旗，各官自有緊事者赴稟，無事者謹守信地，訓齊兵伍，若有更令，必差巡視，旗口傳，或有令票，不在此內。

一凡水陸行營，第一肅靜為要，不拘何事，俱聽旗鼓號令，不許口傳，口傳亦不許從，除明白進止，用旗鼓號頭，照原給令書外，若或近賊，或欲暗行，暗止，聽中軍如後開傳，令一人挨遞一人，不分官目，雖主將亦自遞。

一物件挨次遞過，卽便遵守，水陸同，傳土塊，住也

傳小短箭，行也，傳草木枝，立也，傳石塊，坐也，有警

收拾器械，預妨賊來衝殺，傳大令箭，卽便于脚下，隨便，每哨官為一營，捨擇地勢，照營陣立定，聽候

中軍傳令、每總爲一處、不許相連、

凡軍中號令、一向都被混帳慣了、是以賞不感、罰不  
畏、我今在軍中、再無一句虛言與你說、凡出口就  
是軍令、但遇號令、金鼓旗旛是聽、不可指望已不  
便處、告有改移、或望寬饒、將無還令、你們豈不知、  
平時箇箇說是勇猛忠義、你就說得活現、決不信、  
你只臨敵做出來、便見高低、

凡軍兵耳、只聽金鼓、眼只看旗幟、夜看高招雙燈、兩

看火把、如某色旗、豎起點動、便是某營兵、收拾聽  
候號頭、行營出戰、不許聽人言語、捏起捏動、若旗  
幟金鼓不動、就是主將口說要如何、也不許依從、  
只一味看旗鼓號令、兵看各營把總、把總看中軍、  
如擂鼓該進、就是前面水裏火裏、也要前去、如鳴  
金該退、就是前面金山、銀山、也要退回、這等大家  
共作一箇眼、一箇耳、一箇心、何賊不可殺、

凡分兵數道、臨發時、務要會定記號、如賊界相逢、不



分晝夜各卽駐隊互舉原定記號以辨真偽。

重訂批點類輯練兵諸書卷十六

東牟戚繼光元敬父著

色類

騎旗號

每一大營將官分五色每營將官下各部伍又分五色在將官以旗心定本營方色以邊生旗面以黃應德千總以心坐本方以邊應主將以帶應德把總以心坐本方以邊應千總以帶應主將百總以心坐本方以邊應

把總以帶應千總旗總以心轉應本營不用邊帶軍士  
盃有纓而無旗

隊總盃旗長六寸上書隊哨分數字樣方色照營將  
旗

旗總背旗一面身長二尺五寸斜角用邊旗桿長三  
尺六寸

百總認旗一面長二尺斜角用邊桿用鎬頭長九尺  
上書字一局書振勇二局書揚勇三局書威勇四

局書武勇

把總認旗長三尺斜角有邊桿高一丈一尺用纓頭  
號帶一條長五尺

千總認旗長四尺斜角有邊桿高一丈三尺號帶一  
條長七尺

營將認旗長六尺斜角有邊桿用纓頭雉尾高一丈  
五尺號帶一條長八尺五寸以上俱用小尺

前營將官認旗紅心藍邊黃帶珠纓雉尾書前軍司命

中部千總旗、黃心紅邊黃帶、中左司把總旗、百

總旗俱藍心黃邊紅帶、旗總旗、隊總盛旗俱

紅、中右司把總旗、百總旗俱白心黃邊紅帶、

旗總旗、隊總盛旗俱紅、

左部千總旗、藍心紅邊黃帶、左左司把總旗、百

總旗俱藍心藍邊紅帶、旗總旗、隊總盛旗俱

紅、左右司把總旗、百總旗俱白心藍邊紅帶

旗總旗、隊總盛旗俱紅、

右部千總旗、白心紅邊黃帶、右左司把總旗、百

總旗俱藍心白邊紅帶、旗總旗、隊總盛旗俱

紅、右右司把總旗、百總

旗總旗、隊總盛旗俱紅、

後營將官認旗、黑心白邊黃帶、珠纓雉尾、書後軍司命、

中部千總旗、黃心黑邊黃帶、中左司把總旗、百

總旗俱藍心黃邊黑帶、旗總旗、隊總盛旗俱

黑、中右司把總旗、百總旗俱白心黃邊黑帶、

旗總旗、隊總旗俱黑、

左部千總旗、藍心黑邊黃帶、左左司把總旗、百

總旗、俱藍心藍邊黑帶、旗總旗、隊總旗俱

黑、左右司把總旗、百總旗俱白心藍邊黑帶、

旗總旗、隊總旗俱黑、

右部千總旗、白心黑邊黃帶、右左司把總旗、百

總旗、俱藍心白邊黑帶、旗總旗、隊總旗俱

黑、右右司把總旗、百總旗俱白心白邊黑帶、

旗總旗、隊總旗俱黑、

左營將官認旗、藍心黑邊黃帶、珠纓雉尾、書左軍司命、

中部千總旗、黃心藍邊黃帶、中左司把總旗、百

總旗、俱藍心黃邊藍帶、旗總旗、隊總旗俱

藍、中右司把總旗、百總旗俱白心藍邊藍帶、

旗總旗、隊總旗俱藍、

左部千總旗、藍心藍邊黃帶、左左司把總旗、百

總旗、俱藍心藍邊藍帶、旗總旗、隊總旗俱

藍 左右司把總旗、百總旗、俱白心藍邊藍帶、  
旗總旗、隊總旗、俱藍、

右部千總旗、白心藍邊黃帶、右左司把總旗、百  
總旗、俱藍心白邊藍帶、旗總旗、隊總旗、俱  
藍、右右司把總旗、百總旗、俱白心白邊藍帶  
旗總旗、隊總旗、俱藍、

右營將官認旗、白心黃邊黃帶、珠纓雉尾、書右軍司命、  
中部千總旗、黃心白邊黃帶、中左司把總旗、百

總旗、俱藍心黃邊白帶、旗總旗、隊總旗、俱  
白、中右司把總旗、百總旗、俱白心黃邊白帶、  
旗總旗、隊總旗、俱白、

左部千總旗、藍心白邊黃帶、左左司把總旗、百  
總旗、俱藍心藍邊白帶、旗總旗、隊總旗、俱  
白、左右司把總旗、百總旗、俱白心藍邊白帶、  
旗總旗、隊總旗、俱白、

右部千總旗、白心白邊黃帶、右左司把總旗、百

總旗俱藍心白邊白帶、旗總旗、隊總盛旗俱白、右右司把總旗、百總旗俱白心白邊白帶、

旗總旗、隊總盛旗俱白、

中營將官認旗黃心紅邊黃帶珠纓雉尾書中軍司命、

中部千總旗黃心黃邊黃帶、中左司把總旗、百

總旗俱藍心黃邊黃帶、旗總旗、隊總盛旗俱

黃、中右司把總旗、百總旗俱白心黃邊黃帶、

旗總旗、隊總盛旗俱黃、

左部千總旗藍心黃邊黃帶、左左司把總旗、百

總旗俱藍心藍邊黃帶、旗總旗、隊總盛旗俱

黃、左右司把總旗、百總旗俱白心藍邊黃帶、

旗總旗、隊總盛旗俱黃、

右部千總旗白心白邊黃帶、右左司把總旗、百

總旗俱藍心白邊黃帶、旗總旗、隊總盛旗俱

黃、右右司把總旗、百總旗俱白心白邊黃帶、

旗總旗、隊總盛旗俱黃、

步旗號、同前、

車旗號、

車兵不用盛甲、

車正用盛甲、方旗長二尺、

百總旗長三尺

把總旗長四尺

千總旗、上角濶三尺、長五尺、帶長五尺、營將旗、上角

濶四尺、長六尺、號帶長七尺、

前營將官紅旗藍邊黃帶、凡旗上字與騎兵同、

左千總藍旗紅邊黃帶、一司把總紅旗藍邊、二

司把總藍旗藍邊、三司把總白旗藍邊、四司

把總黑旗藍邊、以上纓頭俱紅色、百總與本司把

總旗色同、車正旗色與百總同、

右千總白旗紅邊黃帶、一司把總紅旗白邊、二

司把總藍旗白邊、三司把總白旗白邊、四司

把總黑旗白邊、以上纓頭俱用紅色、百總與本司

把總旗色同 車正旗色與百總同

後營將官黑旗白邊黃帶

左千總藍旗黑邊黃帶 一司把總紅旗藍邊 二

司把總藍旗藍邊 三司把總白旗藍邊 四司

把總黑旗藍邊 以上纓頭俱用黑色 百總與本司

把總旗色同 車正旗色與百總同

右千總白旗黑邊黃帶 一司把總紅旗白邊 二

司把總藍旗白邊 三司把總白旗白邊 四司

把總黑旗白邊 以上纓頭俱用黑色 百總與本司

把總旗色同 車正旗色與百總同

左營將官藍旗黑邊黃帶

左千總藍旗藍邊黃帶 一司把總紅旗藍邊 二

司把總藍旗藍邊 三司把總白旗藍邊 四司

把總黑旗藍邊 以上纓頭俱用藍色 百總與本司

把總旗色同 車正旗色與百總同

右千總白旗白邊黃帶 一司把總紅旗白邊 二



司把總藍旗白邊 三司把總白旗白邊 四司把總黑旗白邊 以上纓頭俱用藍色 百總與本司

把總旗色同 車正旗色與百總同

右營將官白旗黃邊黃帶

左千總藍旗白邊黃帶 一司把總紅旗藍邊 二

司把總藍旗藍邊 三司把總白旗藍邊 四司

把總黑旗藍邊 以上纓頭俱用白色 百總與本司

把總旗色同 車正旗色與百總同

右千總白旗白邊黃帶 一司把總黃旗白邊 二

司把總藍旗白邊 三司把總白旗白邊 四司

把總黑旗白邊 以上纓頭俱用白色 百總與本司

把總旗色同 車正旗色與百總同

中營將官黃旗紅邊黃帶

左千總藍旗黃邊黃帶 一司把總紅旗藍邊 二

司把總藍旗藍邊 三司把總白旗藍邊 四司

把總黑旗藍邊 以上纓頭俱用黃色 百總與本司

把總旗色同，車正旗色與百總同。

右千總白旗黃邊黃帶，一司把總紅旗白邊，二

司把總藍旗白邊，三司把總白旗白邊，四司

把總黑旗白邊，以上纓頭俱用黃色，百總與本司

把總旗色同，車正旗色與百總同。

輜旗號同車兵，但每千只有二把，左部一司即前司，二

司即左司，右部一司即右司，二司即後司。

船旗號。

每營旗各照方色，製以號帶甲長旗各照號帶方色。

大船大旗長一丈八尺，濶十三幅，號帶長一丈五尺。

甲長旗方正三尺，桿長一丈三尺。

旗色：前營紅，左營藍，右營白，後營黑，中營

黃，號帶色同旗色。

每船五方旗一副。

前營紅旗紅邊藍白黑黃旗俱紅邊各一面。

左營紅旗藍邊藍白黑黃旗俱藍邊各一面。

右營紅旗白邊藍白黑黃旗俱白邊各一面、  
後營紅旗黑邊藍白黑黃旗俱黑邊各一面、  
中營紅旗黃邊藍白黑黃旗俱黃邊各一面、  
旗幟每伍小旗一面各隨方色、每隊中旗一面、每  
哨官藍旗二面、門旗二面、每總藍旗四面、五  
方旗五面、高招五方五面、每桿燈二個、中軍  
五方旗三副、五方招十面、藍旗一十二面、門  
旗十面、背上小招督戰軍令旗十二面、清道旗

二面、金鼓二面、掌號官二員、坐纛一面、  
旗號

清道二旗軍行持衆之前以清途路操習則遇掌號笛  
執在馬路引官哨隊至將臺聽發放異仍領送官哨  
隊回營旗桿長八尺用木葫蘆或葫蘆上加以鎗頭  
亦可方四尺藍色邊用紅色

金鼓旗四面此用以引金鼓桿高一丈二尺纓頭雉尾  
珠絡旗素黃色方七尺黑布字大二尺

門旗五方各二面，此立轅門擺營，五方各照方色，桿高一丈三尺，纓頭珠絡雉尾，旗方六尺，邊俱用黃。

豹尾旗二面，此旗所立之處，再不容一人擅闖出入，非有主將號令，旗箭召放，擅入者，不問官員大小人等，軍法阻拿，此其限也。兵法曰：無天于上，無地于下，將在軍，君命有所不受，決期赴表，以戮後至，慎之重之。桿用堅木，長九尺，頭用利刃，旗用絹裁，折曲畫豹尾形，濶幅雙折，長七尺。

五方形旗五面，此旗五面，以四面四方立表，兵之所視，以爲坐起進止，左右前後周旋者也。桿高一丈五尺，纓頭珠絡，旗色照方向，邊以生旗之色配之，不可犯本旗之色，方五尺。

東方青，陵九炁，甲乙寅卯木，其神青龍，其色藍，南方丹，陵三炁，丙丁巳午火，其神朱雀，其色紅，西方皎，陵五炁，庚辛申酉金，其神白虎，其色白，北方玄，陵七炁，壬癸亥子水，其神玄武，其色皂。

五方神旗五面。此與前五方真形同用。各照方色彩畫。邊用生旗之色。不可與本旗色相犯。方五尺。桿高一丈五尺。纓頭珠絡。東方溫元帥。南方關元帥。中央王靈官。西方馬元帥。北方趙玄壇。

五方轉光旗五面。各照方爲色。此用在將臺上。行則隨主將以爲外表。五方之應。外表視此爲進止立伏。桿高一丈五尺。邊與旗幅同色。用狹絹二幅。長四尺。濶三尺。帶用五色。自下相生而上。長旗身有半。旗頭用

雉尾纓絡

五行旗金木水火土五面。各照五行之色。此乃出征之旗。代轉光旗之用也。桿用長鎗桿。旗照字色。邊同木旗之色。庶純而可遠瞭。方五尺。不用彩畫。黑旗上用白絹爲字。餘皆黑字。旗頭用鎗頭。以便出征。輕繫色純。不混衆目。

五方高照五面。各照五方之色。幅尾則用生氣之色。與人旗之邊同意。此該二副。共十面。畫則示奇兵。及子

營中軍親兵夜則看燈籠以代五方之用桿用好堅竹去皮紅漆長一丈六尺頭用小鎗頭金木葫蘆頂鐵梁務在輕便照方色全幅絹長一丈二尺燈用照方色薄油紙

中軍坐纛此不可用于行陣以重大也桿高一丈六尺旗大一丈黑綠段爲之白綾爲邊纓頭飾以珠絡極其華麗方可

二十八宿號帶此帶四方各照方色上畫演禽真形并中央黃素帶俱用鐵十字懸坐纛上以爲四方之主但可操而不可用于臨陣以其大且重也無桿

三軍司命此主將號旗顏色隨意不預設以泄機桿用長鎗旗方二大尺

二十八宿形旗凡出軍立方向入門使兵由之而出則用又凡遇出兵之日所輪勝宿卽以此旗領軍桿長一丈六尺頂用纓絡雉尾邊幅色俱同各照方向方可六尺角木蛟亢金龍底土貉房日兔

心月狐、尾火虎、箕水豹、斗木獬、牛金牛、  
女土蝠、虛日鼠、危月燕、室火猪、壁水獮、  
奎木狼、婁金狗、胃土雉、昴日鷄、畢月鳥、  
觜火猴、參水猿、井木犴、鬼金羊、柳土獐、  
星日馬、張月鹿、翼火蛇、軫水蚓、  
六丁六甲旗十二面。用法與二十八宿旗俱同。此旗色  
照方向、邊同大旗之色、桿長一丈三尺、旗方五尺、頂  
用纓頭雉尾珠絡、

角旗八面、高大俱同、五方旗用木紅、葫蘆明鐵雲鎗頭  
行則夾五方神旗、但矮于五方一尺、其色則東南上  
半幅藍、下半幅紅、南東色反、東北上半幅藍、下半幅  
黑、北東色反、西北上半幅白、下半幅黑、北西色反、西  
南上半幅白、下半幅紅、南西色反、花焰邊、隨本旗之  
色、上下各一半、

八卦正旗、高大式桿、俱照五方真形旗、上用金木葫蘆、  
頂各以八卦方向爲色、四正方者色純、四奇方者照

角旗各得一半。上畫本方之卦于旗之中央。

名將所先。旗鼓而已。無事曰軍行。則爲大將中軍。而大將居其下。正行有警。卽爲分札營壁。立表之需。所謂行則成陣。止則成營。人見紛紜交雜。而不知九軍八陣五行六花悉寓。一聞號頭。變化立成。安營定壘。全憑旗鼓以舉。錯近不知法制。率如兒戲。或輕難視遠。或重難執馳。方色混雜。不可辯認。而臨陣分合。更與旗無干。聽兵用手。逼唇爲哨聲。却以旌旗爲擺隊之

具。金鼓爲飲晏之文。至有大將名背。而亦烏合縱橫。一聽兵士紛沓。一隊數色。一陣數令。以勝負付之。自然以進退付之。無可柰何。吁。可勝嘆哉。

中軍官。堅起藍旗一面。當中點之。各營狼筍手。俱聽鼓。比較賞罰畢。什藍旗各回原伍。蓋狼筍在竹屬木。故舉藍旗以應之。次舉黃圓旗。長牌滕牌手。照前比較畢。蓋牌象覆能生人。故舉黃旗以應之。次舉白旗。各管長鎗手。照前比較畢。蓋長鎗刃屬金。故舉白旗以



應之次舉黑旗各營各色又鈿短兵照前比較畢蓋短兵勢節險短如水之激故舉黑旗以應之次舉紅旗立把子各營鳥銃火箭弩手照前比較畢蓋神器屬火而弓矢皆前行器故舉紅旗以應之水操佛郎機紅旗鳥銃紅高招弩手射手火箭手黃旗標鎗打石手藍旗刀手勾鏟手鎗手白旗

主客援兵務各合一營每營定就方色旗號譬如遠見一片白自東而來便知某營約到主將處某方屬白

便同某方安營一箇亂不得一尺好地形揀不得又若某營前進奮勇本營旗號一色不待本營報來便知是某將軍馬若一齊退走了但望見一片某色旗便知是某將先走又上陣時本鎮當中諸將人各爲一頭將官家丁在前軍士鴈行于左右俱看本鎮高招但有退縮者只把將官預令旗牌伺候徑聽鄉來就着同營一將代管其衆所以援兵一枝必設主客將官二三員正爲臨時拿了一箇就有一箇代替再

說不得臨敵易將的話了。

凡旗幟製八方則色雜而衆目難辯。如以東南西北爲名則一時迷失方向。卽難認。惟凡面所向謂之前。則用紅旗。卽方爲南。行爲火。火之色屬紅。神爲朱雀。卦爲離。凡面所背謂之後。則用黑旗。卽方爲北。行爲水。水之色屬黑。神爲玄武。卦爲坎。凡左手所指謂之左。則用青旗。卽方爲東。行爲木。木之色屬青。神爲青龍。卦爲震。凡右手所指謂之右。則用白旗。卽方爲西。行

爲金。金之色屬白。神爲白虎。卦爲兌。凡脚下所立謂之中央。則用黃旗。卽行爲土。土之色屬黃。方爲中。神爲勾陳。卦爲太極。若舉點黃旗。則是中軍欲變動。若舉紅旗。則是前營兵欲變動。若舉白旗。則是右營兵欲變動。若舉青旗。則是左營兵欲變動。若舉黑旗。則是後營兵欲變動。各聽號令施行。仍不必拘五營之次。但見舉黑旗。俱要往後看。但見舉紅旗。俱要往前看。但見舉青旗。俱要向左看。但見舉白旗。俱要向右

看但見舉黃旗四面俱要向中看若見五方五旗俱舉點各營四方各照本方向外執立聽號令施行凡旗點向何方隨其所點向往旗不定不止旗不伏不坐。

各營隊總看本旗總旗總看本百總百總看本把總把總看本千總千總看本哨將哨將看主將各號旗若主將五方旗招俱起立點動則五方之營俱照旗而動如止于一旗立點則該應之旗俱點立別旗照常。

若主將五方旗招俱偃則五方之營俱照旗偃止若只一旗偃則該應旗俱偃別旗照常某旗磨則該應旗俱磨別旗照常某旗向某方點指該應旗俱向某方各兵隨旗而往。

凡主將旗舉時先哨將應之千總不許先應哨將旗舉先千總應之把總不許先應千總旗舉先把總應之百總不許先應把總旗舉先百總應之旗總不許先應百總旗舉先旗總應之隊總不許先應旗總以下

口傳身率不用旗鼓號令要與旗鼓令同差錯以軍  
法治

黃旗屬土中營中軍所用但見黃旗卽知爲某中營某  
中軍也在五營則爲五營之中在一營則爲一營之  
中在一千則爲一千之中少至五人則爲五人之中  
凡人面向者爲前紅旗屬前凡營壘所在向前者則  
用紅旗但見紅旗俱想向前凡人就本身左手爲左  
藍旗屬左凡向左者則用藍旗但見藍旗俱想向左

凡人就本身右手爲右白旗屬右凡向右者則用白  
旗但見白旗俱想向右凡人就本身之背爲後黑旗  
屬後凡向後者則用黑旗但見黑旗俱想轉身向後  
蓋曠野人衆若說東西南北認辯不真凡人皆有左  
右手面前背後故卽以其易知者教之

凡常操及發兵于主將未到場時先將望竿繩縶等項  
收找停當候主將陞帳稟陞旗卽放砲擂鼓陞旗旗  
正着甲執白旗一面上斗聽中軍號令凡掌哮囉兵

立則旗立、凡打鑼、兵坐則旗收、旗向前點、官軍俱向前行、向左點、俱向左行、向右點、俱向右行、向後點、俱向後行、車步騎大小將官旗總車正、俱視此旗、向往如遠行、俟掌頭號畢、稟放砲、搥鼓、將望竿眠行、遇報有警、搥鼓再立、望竿、賊從左來、則旗向左磨、賊從右來、則旗向右磨、前後亦然、賊從兩面來、先磨賊近一面、三磨三立、又向一面磨、賊從四面來、將旗繞竿頭轉、遍賊遠則旗頭向上磨之、賊來近則旗頭平低磨

之、賊近百步來、則旗低垂向下磨之、賊退則立某方、賊退立在某方、亦如報賊來事例、事定將旗捲訖、若緊急追賊、無望竿車、此條不用、

一旗法、隨鼓緊慢行、如磨旗之時、兩手托開、陰陽拏住、高舉伏身、轉腰繞頭過一遭、方纔豎起、

凡塘報搖小黃旗、是有賊至、

如旗不起、脚下卽是信地、不許依人擅動、夜看高招火鼓、與晝一般、